



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1230. Usque Ad Annum 1248

Fleury, Claude

August. Vind. [u.a.], 1764

VD18 90118049

§. 16. S. Ludovicus in comitiis Cisterciensium.

[urn:nbn:de:hbz:466:1-66268](https://nbn-resolving.org/urn:nbn:de:hbz:466:1-66268)

Sæcul. XIII.
A.C. 1244.

ansam tractandæ quæstionis de mendicitate spontanea recentium Religiosorum: easdemque rationes applicat, quæ postea sunt adductæ: id quod indicat, jam illius ætate positam fuisse hanc quæstionem, quæ post ejusdem obitum multo ferventius agitata fuit. Et quia Religiosorum Mendicantium facultas concionandi & sacras audiendi confessiones, etiam si eis a Papa demandata esset, in controversiam vocabatur, illius auctoritati singulariter insistit, affirmans, hanc esse plenam, absolutam, cunctisque legibus & consuetudinibus superiorem; denique omnem Præsulum inferiorum potestatem a Papa emanare, qui tanquam caput in membra influat, non modo ex ordine hierarchico, sed etiam pro ratione emolumentum in Ecclesiam redundantis. Huc multa Gratiani capitula potissimum falsis & decretalibus adducit.

§. XVI.

S. Ludovicus in Comitibus Cisterciensium.

Eodem hujus anni 1244 tempore, quo Fratres Minores solennissimum habebant conventum, etiam Cistercienses generalia celebrabant comitia, die festo S. Michaelis ex more cæpta. Quo venturum esse S. Ludovicum Regem cum mature com-

Matth. Par.
p. 571.

comperisset Papa Innocentius, excogita-
tam scripsit epistolam, in qua omnes Ab-
bates, qui ibi adessent, efflictim orabat,
ut flexis genibus manibusque junctis Re-
gem obtestarentur, ut contra Fridericum,
quem Satanæ filium vocabat, Papam pro
veteri Galliaë more defenderet, atque, si
necessè foret, suum in Regnum recipe-
ret, sicut Alexander III. contra infecta-
tionem Imperatoris Friderici I, & S. Tho-
mas Cantuariensis contra vexationem
Henrici II. Anglorum Regis asylum ibi
invenissent.

S. Ludovicus ad comitia Cistercien-
sium revera se contulit, monachis in o-
mnia sancta se commendaturus. Habe-
bat secum Reginam Blancam matrem
suam, cui Papa domos Ordinis Cistercien-
sis cum duodecim foeminis sacrarum pre-
cum causa intrandi copiam fecerat. E-
tiam fratres illum sui, Robertus Artesiæ
Comes, & Alphonfus Comes Pictaviensis
cum sex aliis Franciaë Comitibus seque-
bantur. Quando ab Ecclesia Cœnobii
balistæ jactu aberant, religionis gratia re-
lictis equis, in ordinem adducti pias in-
ter preces ad templum ibant. Cun-
cti Abbates cum quingentis monachis
obviam procedebant, quo dignius exci-
perent Regem tunc primum ad mona-
sterium venientem. Ipse in comitio Abba-
tes inter ac Proceres medius confedit, pri-
mum

Sæcul. XIII.
A.C. 1244.

Sup. Lib.
LXX. §. 57.

